



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 42 Б А С П А С Ө З Р Е Л И З І
2014 жылғы 2 маусым

*Алматы қаласының қаржы орталығын дамытудың
2020 жылға дейінгі тұжырымдамасы қаралды*

Бүгін ҚР Үкіметінің отырысында Алматы қаласының өңірлік қаржы орталығын дамыту мәселелері қаралды, атап айтқанда Үкімет Қазақстан Республикасы Ұлттық Банкінің Алматы қаласының өңірлік қаржы орталығының мәртебесін қайта қарау қажеттілігі туралы бастамасын қолдады.

Алматы қаласын өңірлік қаржы орталығы ретінде дамыту идеясын алғаш рет Мемлекет басшысы 2004 жылы айтқан болатын. Қаржы орталығының халықаралық капитал нарықтарымен ықпалдасуын қамтамасыз ету, бағалы қағаздар нарығы арқылы Қазақстан Республикасының экономикасына инвестициялар тарту және шетелдік эмитенттердің қаржы орталығының арнайы сауда алаңына қолжетімділігін қамтамасыз ету қаржы орталығын құрудың негізгі міндеті болып табылады.

Отырыстың қорытындылары бойынша АӨҚО тұжырымдамасының 2014 жылдың соңына дейін қабылданатыны туралы шешім қабылданатын болады. Ұлттық Банк басшысы Қ.Н. Келімбетовтің айтуынша, «Бұл құжатты дайындауға барлық мемлекеттік органдар тартылатын болады, сондай-ақ Еуропа қайта құру және даму банкінің, Азия даму банкінің, Дүниежүзілік банктің, сондай-ақ Ислам даму банкінің консультанттары қатысады.».

Сондай-ақ 2025 жылы Алматыда ЕАЭО шеңберінде қаржы нарығын реттеу жөніндегі ұлттықтан жоғары органды құруға және Жібек жолы жобасының штаб-пәтерін ауыстыруды ұсынуға байланысты Алматының рөлі өсе түседі.

Бұл үшін ҚР Ұлттық Банкі Алматы қаласының өңірлік қаржы орталығын Лондон халықаралық қаржы орталығын дамыту үлгісі негізінде дамытудың болашақ үлгісін құруды ұсынады. «Аумақтық оқшауланған арнайы қаржы аймағы бар Лондон халықаралық қаржы орталығын дамыту үлгісі, біздің пікірімізше, Алматы қаласының өңірлік қаржы орталығын одан әрі дамыту үшін қолайлы болуы мүмкін», – деп мәлімдеді Ұлттық Банк басшысы.

Сонымен қатар Алматы қаласының өңірлік қаржы орталығы қызметінің басым бағыты ретінде Қайрат Келімбетов исламдық қаржыландыруды қарастыруды ұсынады.

Әлемнің заманауи қаржы картасы үшін географиялық аймақтар бойынша қаржы орталықтарының біркелкі шоғырланбауының өзгеше болуын ескере отырып, Алматы қаласын қаржы капиталдарын тартудың

Еуразия орталығы ретінде орнықтыру ТМД шеңберінде елдердің өзара іс-қимыл жасау тетігін реформалау, сондай-ақ Еуропа мен Азия арасындағы «көпір» жасау үшін күшті түрткі болуы мүмкін.

Үкімет отырысында қаржы орталығының бәсекеге қабілеттілігін дамыту жөніндегі Ұлттық Банк ұсынған шараларға қолдау көрсетілді. Атап айтқанда, стратегиялық құжатта Алматы қаласының инфрақұрылымын дамыту, бизнес ортаны, іскерлік ахуалды дамыту мен жақсарту, АӨҚО Академиясының жұмысын жандандыру және тиісті мамандарды даярлау жөніндегі жаңа оқу орталықтарын құру мәселелерін қоса алғанда, тиісті қаржы инфрақұрылымын дамыту мәселелері және т.б. ескерілетін болады.

Үкімет отырысынан кейін Ұлттық Банк басшысы Орталық Коммуникациялар Қызметінің алаңында сөз сөйлеп, қаржы нарығындағы қаржылық ахуал туралы айтып берді. Ағымдағы жылдың 21 мамырындағы жағдай бойынша Ұлттық Банктің жалпы резервтері қайтадан 2012 жылдың деңгейіне келді және 28 млрд. АҚШ долларын құрайды. Елдің, Ұлттық қордың резервтері 103 млрд. АҚШ долларын құрайды. Инфляция жылдық көрсеткіш бойынша 6,9%-ды құрады, төлем балансының оң сальдосы бірінші тоқсанда 5,5 млрд. АҚШ долларын құрайды. «Бүгінгі күні мұнайдың бағасы жоғары, Ресей рублі нығаяуда. Тіпті, белгілі бір деңгейде ол құнсызданса да, бұдан біз қорықпаймыз. Бізде жеткілікті беріктік қоры жасалды деп санаймын», – деп атап өтті ҚР Ұлттық Банкінің Төрағасы.

Толығырақ ақпаратты +7 (727) 270-46-39, 2704-754 телефондары, E-mail: press@nationalbank.kz бойынша алуға болады